



Broj: 01/1-50-1-1-107/10
Sarajevo, 12.7.2010.

Z A P I S N I K

107. sjednice Ustavnopravne komisije

Sjednica je održana 12.7.2010., s početkom u 10 sati.

Sjednici su prisustvovali članovi Komisije: Šefik Džaferović, Ekrem Ajanović, Lazar Prodanović, Halid Genjac i Adem Huskić.

Članovi Komisije Drago Kalabić, Momčilo Novaković, Velimir Jukić i Martin Raguž nisu prisustvovali sjednici.

Sjednici su prisustvovali i predstavnici: Ministarstva pravde BiH Fatima Bašić, OSCE-a Adnan Habul, poslanik Nermina Zaimović-Uzunović, iz Zakonodavno-pravnog sektora PSBiH Aida Kreho, iz Sektora za odnose s javnošću Zoran Brkić.

Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave Komisija je jednoglasno usvojila sljedeći

D N E V N I R E D

1. Prijedlog okvirnog zakona o besplatnoj pravnoj pomoći, predlagač: Vijeće ministara Bosne i Hercegovine, broj: 01,02-02-3-42/10, od 8.6.2010. (**postupak u nadležnoj komisiji – u skladu s članom 110. Poslovnika Doma**);
2. „Inicijativa grupe građana o osnovanosti postupanja pravosudnih organa Bosne i Hercegovine u pogledu procesuiranja zločina za vrijeme tragičnog ratnog sukoba na teritoriji Bosne i Hercegovine“ (usvojena inicijativa poslanika Mirka Okolića na 59. sjednici Doma, održanoj 2.9.2009.), **razmatranje inicijative u skladu s članom 41. stav (2) Poslovnika Doma**;
3. Izvještaj o radu Ustavnopravne komisije za period od 1.1.2010. do 30.6.2010. (**razmatranje izvještaja u skladu s članom 31. stav (2) Poslovnika Doma**).

Ad.1. Prijedlog okvirnog zakona o besplatnoj pravnoj pomoći, predlagač: Vijeće ministara Bosne i Hercegovine, broj: 01,02-02-3-42/10, od 8.6.2010. (postupak u nadležnoj komisiji – u skladu s članom 110. Poslovnika Doma)

Predsjedavajući je otvorio raspravu u kojoj su učestvovali: poslanik Nermina Zaimović-Uzunović, predstavница Ministarstva pravde BiH Fatima Bašić, članovi Komisije Adem Huskić, Lazar Prodanović i Šefik Džaferović.

Na Prijedlog zakona poslanik Nermina Zaimović-Uzunović podnijela je dva amandmana.

Nakon rasprave Komisija, s jednim glasom „za“, dva glasa „protiv“ i dva glasa „suzdržan“, nije prihvatila Amandman I. poslanika Nermine Zaimović-Uzunović.

Komisija, bez glasova „za“, s dva glasa „protiv“ i tri glasa „suzdržan“, nije prihvatila Amandman II. poslanika Nermine Zaimović-Uzunović.

Komisija je, s četiri glasa „za“, bez glasova „protiv“ i s jednim glasom „suzdržan“:

- usvojila Prijedlog okvirnog zakona o besplatnoj pravnoj pomoći i predlaže Predstavničkom domu njegovo usvajanje;
- u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovala predsjedavajućeg Komisije.

Ad.2. „Inicijativa grupe građana o osnovanosti postupanja pravosudnih organa Bosne i Hercegovine u pogledu procesuiranja zločina za vrijeme tragičnog ratnog sukoba na teritoriji Bosne i Hercegovine“ (usvojena inicijativa poslanika Mirka Okolića na 59. sjednici Doma, održanoj 2.9.2009.), razmatranje inicijative u skladu s članom 41. stav (2) Poslovnika Doma

Nakon rasprave Ustavnopravna komisija, s jednim glasom „za“, četiri glasa „protiv“ i bez glasova „suzdržan“, nije podržala navedenu inicijativu jer smatra da je ovo pitanje u nadležnosti sudske vlasti.

Ad.3. Izvještaj o radu Ustavnopravne komisije za period od 1.1.2010. do 30.6.2010. (razmatranje izvještaja u skladu s članom 31. stav (2) Poslovnika Doma)

Komisija je jednoglasno primila k znanju Izvještaj Ustavnopravne komisije za period od 1.1.2010. do 30.6.2010.

Sjednica Komisije završena je u 10,30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović